

Zeitschrift:	Annalas da la Societad Retorumantscha
Herausgeber:	Societad Retorumantscha
Band:	8 (1893)
Artikel:	Gesu nel desert : (Landa ; ün röven cun paucas caglias ed in fuond ün bösch sech.)
Autor:	Jaeger, J.
DOI:	https://doi.org/10.5169/seals-179802

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 04.07.2025

ETH-Bibliothek Zürich, E-Periodica, <https://www.e-periodica.ch>



Gesu nel desert.

(Landa; ün röven cun paucas caglias ed in fuond ün bösch sech.)



Gesu : (meditabuond.)

Eu sun uossa co var quaraunta dis
Aprofundì cun rizer e cummeter
Dogmas spars in sistem dezis;
Ma seu al anfaunt chi cun leins maldivis
Teinta fer tuor, chi güst nel cunneter
Ruvina, ruvin' er a me il cummiss!

Tuot queista filza da ledshas cuntüertas
Con lur vödas furmaliteds,
Con lur finas, ipocritas stüertas,
Con lur vadrüsha subtilited:
Ella sumaglia quell bösch sechanto
Da quell tshep tutintuorn intarlo,
Dalla rama morta e nüda,
Priva da verd e priva da vita.

Er il cudesh dels cudeshs, la bibla,
Muossa curiusas cuntradicieziuns:
L' eterna varded, quell' incorrutibla
Covra ün vel da mistificaziuns;
Ed il Dia, il benign creadur
Dal quel il furmo cumplex deriva,

Il quel l'univers anter abratsha:
El eis dvanto ün Dia da furur,
Dia da vendeta inreflexiva,
Chi tuot fügeinta davaunt sia fatsha.
Inù eis il Dia della pash, dell' amur?
Inù il bap chi guida ed ama?
Impè da perdun ans s' adössan la flama
E la vendeta tremendas d' orrur.
Quauntas patüflas e narras parablas
Cunter natüra e saun inteleit!
Quauntas pulacas dafata palpablas,
Impè del reel genuin e schiet!:—
Il mer sül cumand se divida in mez,
E la culuona da füm chi guida,
Ed il solagl chi's ferm' in sa früda,
La cluocha del öli chi më nun vein vöda,
E taunt' autra rüzia da fuonz inventeda!

E telas glisas e sütas tarlandas
Dovess eu repeter cun at cuntrit,
Cun tshüts vers il tshel e tun ipocrit
Davaunt uraglias suvenz simulantas?!

(Cun animaziun.)

Ed eu chi tscherch cul spiert da penetrer
Er ils misteris plü misterius,
Chi tscherch nel angul plü sombrus
Alla schürdüna supplanter il cler;
Eu famanto per glüsh e glüm,
D' ün desider' immens invas
Da spander clarited sül muond,
Dovess lier il sentimeint sublim
Al süt custab? cun mins persvas
Dicter il faus, cun grav e seri puond?
Mes cor, funtauna d' viv' amur,
Chi pür' e cristallina scaturesha
E vivameing da vart a vart fluesha,
Bod combel fin süsuom al ur,
Dovrò secher in queist desert da normas,
Martshir in füflas ed in vödas fuormas?!

Na më! Davent euls distinctivs ódius
Dels Seribs a Farises, (Büta via l'efod ed il talè.) allò

Podross, per vus zuond adato,
Dvanter igniv de vermens velenus!
Il ministeri in manster müdo
Cul pauper cor nun as cunfo.
O lej bloveint, eu turnarò pro te!
Tü guariros cul uonda cristallina
Il mel profuond chi 'm grim il pet starshina,
Infundaros darchau la pash in me.
O percha, amp e reit, eu tuorn a vus!
E sha dovess tempesta repentina
Er sbater malameing a ma barchina:
Que calmarò l' intern mes tempestus.

Nadivas eras, eu retuorn pro vus!
Repigliarò la zapa onureda
E zaparò la terra adureda,
E laudarò da cor il maun eallus.
Ameina spuonda, eu retuorn pro te!
Remirarò la früja onduleda,
La richa vit al oliver spuseda,
Ed erb' e flur bagnedas dal rushè.
O mama, bap, fradgliunz, eu's turnarò!
S' atachi vi al lein darchau l' astella,
Retsherchi l' aviöl la persa zella!
Il lef matern danöv am flurirò!
E l' orizont s' amuossa plü plachò;
E fors' al bratsh de dultsha giuvantshella,
Dal sguard d' intim' amur, in cuort' urella
E paus e pash al cor acquistarò.

(Fo paues pass per partir, ma retuorna subit.)

Inütalmeing volv eu il pe per ir!
Las cambas peisan plomb, a queista terra
Peran saldedas ed a queist retir,
Vers quel am tira üna forz' ascusa.
Rester ed ir as faun tremenda guerra
Nell' orma conturbleda e confusa. (Seza.)

O vaunas spraunzas! Il tremend orizi
Chi 's scadanet eint in mes pet,
El cresh' adüna, el augmeinta!

Seu trav sün trav dal edisizi
In flamas e dal miser tet,
Ushè da mia creta's sreinta
Manzina sün manzina, ram sün ram,
Cha'l cor am resta trist e sul sulam.

(Ün raz d'solagl chi passa tras la fruschaglia il sdeisda or da ses profuond abatimeint.)

Epür, el viv'e bat' amò, il cor!
Al desideri viv per clarited
Se ho unì il bsögn da spander or
Sül muond la glüsh e la varded

(Se leva.)

Respira, cor! Mira la spraunza tendra
Chi spunta süll' aurora del futur!
Il fönix, el s'alveinta dalla tshendra
Ringiuvanî, cun plü vigur;
Bein bod er sül sulam sgrishus
S' inauzaró palazi majestus!

Il raz de glüsh stupenda,
Il quel am inviet
Il bap dasur, am shenda
Seu balsam lenitiv nel pet.

(S' fo pltu cler intuorn el.)

Miraculus! la clarited augmeinta:
Ad ogni gir del pe
Ün punt da vista nov presheinta
Las lingias d' üna nova fè.
E l' ögl intern se libera da scaglia
Chi 'l malameing pür mema lönci covrit;
Il spiert intorpidi s' resvaglia
E vol' arditameing vers il zenit!
Il pet se slargia, s' auza giubilant
D' ün sentimeint sublim tuot inundo,
L' immeint, avaunt taunt scumpiglio,
Pertracha ün' impreisa da gigant:
S' agiungia bloc a bloc e tol a tol
E trav a trav e 's muoss' ün edisizi
Già slass rizo al leger sguard;
Quell splendarò da pol a pol,
Starò ancunter al plü ferm orizi
E dürarò anfin al temp plü tard.

Il bösch secho revesta nova scorza,
Manzin' e ram repiglian fögl' e flur;
El cresha cun miraculusa forza,
S' slantshand in aut sü nel azur:
E sa sumbriva sura munt e mer
Arfrascharò tuot l' hemisfer.
Il Dia iro fo lö al Dia d' amur,
E vöda suorma alla carited,
Miracul manzögner alla varded:
Il reginam de Dia cumpera sül futur!
Ad eis ün Dia!

El s' apaleinta nel serosh del tun,
Nella schimanta frantur dell' uonda,
Nel frantunem del orizi tremend;
Vein sülla dultsh' armonia del sun,
Vo gorgugliand cul ovel per la spuonda,
Flipa nel tmuoss bisbiglier del vent.

El ans rebrilla nel raz del solagl,
Splenda taunt dultsh' nellas steilas amablas,
Teinsha l' aurora cul aur rösanto,
Tshima nel timid glüshir del pavagl,
Sauta errand cun glümellas instablas,
Vola e pausa cul gusch anvido.

El eis l' ascusa vigir del metall,
El il tessü della zarta flurina,
El il cunnex del ruver grander,
El la structura del splendid cristall,
El nossa forza e vita cuntina:
L' orma eis el del immens inter.

Seinza prinzipi e seinza fin, ab
Etern cullios sun Dia e materia;
Dia eis la forza szieinta, inerenta
A tuot il materiel cumplex,
La som' in totel della vigur dels atoms:
Invisibel ed incumprensibel,
S' apaleint' el al sentimeint;
Sia bratsha omnipoteinta,

Las ledshas e forzas della natüra,
Ellas cumpleshan ses saunch vuleir,
Tritureshan e terras e steilas,
E crean muonds culs atoms dispers.

Quel eis il fin della transfurmaziun,
Sort eternela della materia?

Ferma 't, ardit! cul spiert limito
Vos cumprender l' incumprensibel,
L' immisürabel vos imsürer,
Nad tü da puolvra e terra?!
Ory, cunteinta 't dell' auta vigur
Eint in tes cor infusa!

Che eis l' umau?

El eis la sbrinzla divina, stacheda
Dalla massa del aut regiadur,
Per cha's svillupi e perfeczinned
Tuorni in sein a ses autur;
Mo cha la paupra viandauna
Vegni dal malign seductur
Bricha stit nella pieula mundauna,
Füt la furnida d' ün dun da valur:
Della cunszienza, il sens dell' orma
Chi la muossi la via direta:
Quell' eis ün instrumentin chi do normo
E per ses cordas sensiblas reflesta
Fich sonor il cumand supern;
Beo eis quell chi teidla ses sun!
El muntarò da scalin a scalun,
Pür returnand al sein del etern.

Quell poi il quel per innada debleza.

U per môt subitaun del pet,
Crod' u stravia, nun riv' all' oteza
Dumandeda dal Esser perfet.
Ma nos Dia misericordieivel
Nun danarò a quell chi pechet
Tras ün cor lashantiv e fleivel,
Mo avrò möd da 'l render perfet.

Ma quell, il quel per maligna fallaunza,
Szieint del böñ, perpetresha il mel,

Speri bricha in perdunaunza —
El sarò trat nel abiss infernel
Ed agrego al cunglomerat
Antidesist seu atom ingrat. —
Forsa cha 'l Dia d' immensa clemenza,
Zieva doluors e peinas orrendas,
Ed expiedas las orridas mendas,
Cunzedarò ün raz da spraunza?
Forsa! . . . Dia, il bap dell'amur,
Nossa facla nel dubi, sül bivi,
Nun vol la mort del pecadur,
Vol ch' el s' converteshi e vivi;
Forsa cha l' orma nel mer da snuizi
E nel etern e trist abandun,
Cumanzarò cun sinzer pentizi
A peregriner vers la prefecziun.

L' umaun eis nad liber, nel stedi normel
Ho 'l libra la tsheqna del böñ e del mel,
Sia cunszienza and segna la lingia;
Ma cur sentimeint subitaun al tshingia
Il sen ed il cor cun vel da schürdüna,
Svess la cunszienza nun basta adüna;
Cura immätsha ün prievel intshert
Davart da persid inamih es vert,
U da materia dandet scadaneda;
Allur per organ a nus noncuntsheint,
Cun ràpid straglühsh resclarind l' immeint,
Dia succuorra l' orm' impiglieda,
L' aviand, bod inszieinta a tel dezisiun
Chi salva da dan e da perdiziun.
Tela direta, furmel' influenza
Da spiert sün spiert per cordas ascusas
Lia l' umaun vi all' auta Essenza.
Unì vossas palmas, oh ormas confusas,
Dshè ed urè cun serveint' ardur:
Vöglis, oh bap, da benign protectur,
Trer a salv salüdeivel dezider
Dal labirint de nos pauper cunclüder!

Quell' ovra colossela,
Vers quela mes intern am spingia
Cun forz' inresistibla tela
Cha vo in toca que nun guincha,
Eu tshercarò da la cumplir,
E sha la possa nunn am slincha,
La vöglia nun am maunca ne l' ardir.

Eu tessarò il larg liam d' amur,
Il quel in sias aunzas cuntractilas
Racogliarò ils spars crastiauns allur
In *ün* fashun dad uniteds zivilas.

Mè plü sarò dishonureda
La fatsha d' hom da tshera da Cain,
Ne tshimarò in sa ögleda
Plü il reflex da tradimeint felin,
Ne 's stroziarò sa imponeinta
Statüra vi per stüert camin,
Guatand al schür sha preja s' al presheinta.

Plü nun gnirò al moloc cunsacro
Il zart corpin de tender ansantet,
Ne plü il cor scarpo dal miser pet
Da deint de tigra e da chaud sbrano.

Ne vzarò plü superbia tracotanta
A der del tac sül pauper verm;
Ne alvarò usüra strangulanta
A miser l' unic bröch e l' unic term.
Ne s' stroziarò in puolvra e patütsh
Il sclav in guisa d' chaun inferm
Chi lich' il pè chi 'l det il tütsch.

Mè plü vzarò guter l' ögl incavo
Sün buocha rovaditsha, ne stendüda
La bratsha d' orfens secha e scarnida
Vresa ses prossem rich e sadullo.

Il vadè d' aur, il quel pür mema
Utèr rizet in mincha cor,
E prer in ogni test' umauna:
Eu 'l sbasarò daprim sutor,
Allura, scuz da fundameinta,
Ses agen peis al farò tor
La früda chi 'l al fuonz rucleinta,

Cun aunzas, latshs e nuss bein claus lier
Vögl eu liuns e tigras e serpeints
Ed or dal cor cun buna strata trer
E l'arazun piner per novs semeints.

Il sem d' amur taunt fin e zart,
Tel quel mes cor il madüret,
Eu'l bütarò -- e buna part,
Vögl bein sperer, avrò efet:
And cresharon plantinas vigorusas
Chi spandaron il sem dilet
Plüviavaunt sün eras bein terrusas.
Ün gaud anter, el stendarò sa rama
Cun föglias d' aur' sü vers l' etern solagl,
E suot a sa sumbriya dultsh' e lama
Ne clav ne clasa nun daron travagl.

Quel cunsolant aspet ans s' evra!
L' amur domina mincha pet,
Ed' ogni orma l' ödi zevra;
Da frunt sereina, rir da schet,
Dal raz de chauda, prus' öglieda,
Da bun deport e fer lamet
Transpir' amur veira, beeda.

Sül nüd tremblant ed aglatsho stendü
Sarò il chaud mantè d' amur fraterna,
E sport al famanto la pleina terna,
E combla tass' al sitibuond murdi.

(Cun fü.)

Sü, vers Gerusalem,
L' etern friunch de vil' ipocrisia
E del össificho sistem!
Alò la facla dell' amur
Farò eu flamager in sia
Pleina potenza e splendur!
In ogni cor penetrarò la glüm,
E del sistem il stav travam
Reschodarò tel' arsantün',
Ch' el crodarò in tshendra gram a gram.
L' amarva zuond fariseaglia
Se svagliarò da sa torpur

E sporsharò inveza da frasaglia
Fraterna e beant' amur.

(S' abalchand.)

Ferma il slauntsh del cor, oh surbanto !
Al tshep miez sechanto inoculer
Vos tü il freisch garzöl ? Oh zardiner,
Dal züj diserasic gniss el muranto !
La docturaglia infallibla,
Ch' in nom de Dia aferm' e sneja,
Am respondess cun pleds da bibla
Sün ogní plü sublim ideja.
E fors', il cas füss be comün,
Am achüsassan scu fadiv
A cret' e ledsh' e subversiv
Vers trun, utér e bun costüni.

Allur füss bein in stéril er
Crodo il sem e stit ses germ,
Ubein corrus da pèrsid verm
Aunz cha 'l pizin tucass' il cler.
Ed or da spinas e carduns
Saglißan vipras velenusas
Nò al semneder al calcagn;
E plünavaunt orrends draguns
Lashassan taunas cavernusas
Per inguler il quadrian;
Semneder, sem e fluors e frûts
Guissan stenshüs e zerts e sdrüts.

Al prezius deposit, ch' eu vögl meter,
S' asfaun be cors e gruogls e schets
E natürels scu pedras impulidas,
E chi, scu telas, solan se armeter
A quella forma chi l' artist segnet,
Per gnir da varts adüna plü cumplidas:

Eu 'm vögl revolver al pastur sül munt,
Chi mein' il liber ögl in gir
Ed auz' ardit vers tshel la frunt,
E seinta Dia nel tun e straglüshir:
U al pascheder sulla spuonda,
Chi veza creista' s surcatsher a creista

Ed uonda 's ruverser in uonda,
E se splaner l' ultim rauogl,
E lauda l' Esser aut chi 'l preista
Agüd nel bsögn, inflex in snuogl.

Eu 'm volvarò al publicaun
Sbüto dal muond ed aborri;
Al sporsharò de chaud' amur il maun:
„Beinvgnü!“ darò 'l al zart semin,
El he in ümilted creshü,
Ed il cultivarò in lö lamin.

Al cor smarrì am vögl revolver,
Chi füt nel dür cumbat surtùt dal mel.
Ma 'l quel pentizi seri fo absolver:
L' orizi podrò storsher giò la tshima
Del pin lativ sül fuonz — a tshel
Sarò el rebalzo e teis scu prima;
Solum il tshep d' intern martshî
Se trunc' e nun s' ariza plü.

(Satan cumpera sül fuond della szena.)

Ushè raspand intuorn a me
Que cha il muond da genuin presheinta,
Seminarò la nova fè;
E sha la forza nu 'm banduna
E 'l fled de Dia mes cor viveinta,
Infitarò ma ovra cun coruna.

Seu sbrinzla ded' in terra tuorba,
Secheda da bein lung' arsüra,
Tshimand s' extenda in largüra,
Cha be dal füm chi l' orizont intuorba
S' arguesha flama, quela nun apera:
Ushè daprim in bassa sfera
Anvidarò il sacer fö;
E cura quell avrò tut pè
E vamparò ansü cler flamagiand,
Nu 'l stüzaron ne squita ne hidrant.

E cur planteda in ün zircul vast
Sarò e rinforzeda ma doctrina,
Darò l' assagl al vöd bombast
Contgnü nell' archa ebrëina.
Cun prers e scribs e farisès

Cumbatarò da corp a corp,
Fin ch' averon l' ultim bastiun ares,
Ubein fin ch' eu isvess gnirò a tuorp.

Ün trist presentimeint am admonesha:
Tes miser corp in quell' orribla luota
Sarò chürlo e malameing strazio!
Mo l' angel della spraunza cunfortesha.
Pür lasha plover bot' e bota:
Tes spiert gentil alagiarò
Cun vanas d' aur e pass e paus
Nels cors smarris e conturblos!
Seu far sün riva startaglieda
Saros tü steila guidadura
Al barcharöl ch' eis seinza streda
In mer perfid, in mela ura.

(Seza meditand sül röven.)

Satan: (S' avaunza seinz' esser vis.)

Davaunt queist Simeldia ultrapotent
D' anguosha trembla e da rabgia
L' infiern anter seu föglia sech' al vent!
E la clamur dell' infernela cabgia
Cun ses mügem e ses sgrizioz da deints
Alla antica vôte resunand,
Cunsquassa in lur fundameint
Infiern e terr' e tshel girant!

Ils infernels, els haun motivs avuonda
Da fer canera e fer putiferi:
Perchè sha *et* ils dits culs fats seguonda,
Vo lur imperi a giperi!
E plau planin, a fled a fled,
L' etern ödieda clarited,
La smaladida perfecziun
Invadaron er nos mashun!

(Cun tun da massem dispet)

Ma Dia (u Bön, u Glüm ch' fin vögli),
Tü ab etern mes aversari,
Tü sas a chi staros cuntrari —
Cha Satanass be tema nun il smögli!
La tregua chi millenis blers düret

Vos rumper? Bein! Eu, prinz d' insiern
Tramet ma sfida sü al reg etern
E lutarò pet cunter pet!

Daspö fo bsögn shi fein il plan da guerra!
Periculaunta, critica, stantusa,
Malsgüra sich ma posiziun apéra,
Sha *quell* fo part in ball! Illusa
Illusiu restass ma forza fütersa,
Surdeda ad ün leint deminuir!
Ma tschercharò dad impedir
Ün tel daneivel progredir,
Frenand il puledrin con buna müersa.

Sha queistas cambas, queista bratsha
Nun füss in vöda' aparenza,
Eu 'l strangulass da freischa fatsha!
Ma spiert sün spiert sulet ho influenza.

Daprim se trata da svier quell' orma
Da sia lingia reta;
E d' mez pro que il Diavel nun defeta:
La bi-natüra chi nel cor al dorma
Am muossa svessa sgüra via.
Già bleras ormas he eu trat a me
In segundand lur avarizia,
U 'l stimul della carn, u grandashia:
E bein suvenz cumpret lur amizizia
Cun üna parpajöla, e lur fè.

Ils pitschens peshs pigl ün cun pauca muoscha;
Ma co, he tema, vögli grossa eischa
Ed amp ad art velo — epür nun suocha
Il Diavel garantir da 'l trer in treischa.
Tentein! Suot spuoglia da bun Saduzè,
Dels quels il dishan plü amih,
Zupand per bein il pè cornü,
Am vegn a preshanter daspö.

(S'avaunza tussind.)

Christ: (Disturbo in sa meditaziun, da se.)

Che vol da me queista fatsha da plüch?!

La buochä escala ün ajer tanfich!

Ils ögls spüdan flamas,
E las cambas
Batan scu da pè tshacü !

Satan: (Da se.)

Eu tem ch' el m' hagi singià cognushü.

Crist:

Che tsherchas tar me nel desert, viandaun?
Has fam? Locustas podros co claper;
Er catas pels rövens suot mel da tavaun.
Has seid? Ün po d' aua eis lo nella eria.
Es stangel? Sün plata lo meta 't a zer.

Satan:

T' ingraziel! mes corp bsögn da speisa nun seinta.
Eu tsherch per la landa il figl de Maria,
E mel in camba, cun pievel e steinta
Am tret fin acò per cun el cunferir.

Christ:

Sun eu quell, oh dì 'm in che't poss servir?

Satan: (S'inclina al bütshand il maun.)

Daprima, in segn d' auta stima, queist bütsh.

Crist: (Da se.)

Ses lefs peran fö! e segn dad arsitsh
Do l' erva ch' el sapa! Che vögli que dir?

Satan:

Dal mer da rivas sblachas, smortas —
Fin lo perfin volet tes nom —
Passand inospitas cohortas
E dürs deserts a pass da plom,
Sun co tar te, tü grand, acuors,
Per trer cussagl sur nossa patria cara
E veir, sh'ad ella in sa sort amara
Possibel füssi der succuors.

Già dad anfaunt, tadland in sinagoga
Discours da fö sur noss' antica forza,
Nossa potenz' a quella analoga,
Chi ogni glüm fadiwa smorza,
Sentiva pser sich las cadeinas,
Cun quelas ils tirans romauns
Al tshep ans reintan pes e mauns,
E 'm rebuglir il sang nellas aveinas.

Creshü allur, plü clera m' apariva
E limpida la gloria dels babuns —
Ma er plü manifesta nels matuns
Vilted da cor e rein passiva:
E cun verguogn' ed ira am s' impliva
La frunt, e'l cor cun astieziun.

Crist: (Da se.)

A güdicher da que ch' el fabla
M' he ingano sich sün ses quint —
Però il cor nu' m eis amò cunvint.

Satan: (Da se.)

Eu eraj bod da 'l claper in trapla.
(Dad aut)
E „cura, cur?“ am dumandava
Cun ansia eint il cor, „oh eura
Ans rivarò la liberanta ura“?
„Ed il promiss Messia“, dsheiva,
Cura gnarò 'l, tshanto sün nüvlas d' aur,
Per slavazer nel mer noss oppressuors
Ed arizer il trun dels padernuors
E dominers sur Franc e Maur?“

E presentind ardeinta la vegnüda
Del lönch desidero Messia,
Güret ün' insolubla lia
Col dultsh amih, nos Giuda Gaulonita,
Per preparer l'ad atterrein:
Ed el nel Nord ed eu nel Süd giretans
Da tet a tet ed inflametans
D'amur da patria ogni sein.

Crist: (Da se.)

Cu ch' el s' inflama da fö generus!
Chi podrò esser quist esser curius?
(Dad aut.)
Giavüsh da' m paleser tes nom!

Satan:

Quel müdarò bein pane vi'l pom;
Sadoc am clam. (Da se.) Be francameing menti!
Que'm sto porter a buna fin.

Crist:

Tü es Sadoe?!

Satan:

Nu't füss tel nom gradì?

Crist: (Da se.)

Sadoc?! — cun quella fatsha da Cain!
Dezisameing mè plü parüda
Ancuntrastet in möd plü straun
Cun la valur dadeint cuntgnüda. (Dad aut.)
Sadoc eu stim, shabein cun sas idejas
Del tuot las mias nu's cunfaun. (Da se, il contempland.)
Plü cha la test' il reveresha
E plü il cor il pigl' a schiv.

Satan:

Sun tshert cha tü plü tard m' inclejas.
Però turnein al têma primitiv.
Scu piz d' alvaun chi penetresha
Cun sa virtüd l' intera pasta
E la reschaua e l' alveinta,
Ushè l' idea nöbla, vasta
D' üna resorta patria dveinta
Impuls als cors a nova vita.
Baruns e purs e davodis,
Dal autlocho al plü submiss,
Sun pronts d' intrer subit in lita.

A maunc' ün conductur suprem,
Il quel, seguond la profezia
De noss profets, fluì dal sem
De David, ans guidass' in via.
Ed ansius l' aveins tshercho,
Eu e mes intim Gaulonita,
Ils vegls registers perspicio.
A flura sün quell dshep regel
Ün' unica anfierla yerda;
Ell' eis la spraunza d' Israel
E sia resüstaunza tsherta.
E quell Messia benedì,
Vers quel tuot Canaan protenda
La bratsha per agüd — es tü.

Crist: (meditand.)

Shi füssi veira la legenda
Chi mama taunt suvenz quintet,
Cha ella be in fil diret
Da Casa David giò deshenda ? !

Satan:

(Da se.) Quist cuolp paress da fer efet.
(Dad aut.) Ingraziein la szienz' eterna
Chi volet *te* disigner;
Tshertameing plü degna tsherna.
Nun füss guera sto da fer.
Quella fatsha chi denôta
Energia e bunted.
Quella frunt ad auta vòta,
Trun de spiert e clarited,
E quell sguard taunt amureivel,
Dultsh e lam dels ögls zelest,
E quel trat profuond vardeivel
Tuotintuorn ils less onests,
Quella vush chi bod fluesha
Dultsh seo bisbiglier d' amur,
Bod nel viv afet s' acresha
Fin al tön della frantur,
Quells angelics trats da vista

Da vadaglia blond' ornos,
Quella grazia chi cunquista
Er ils cors plü obstinos:
Que, e plü, e tuot tes' fer
Daun motiv da bein sperer.

Crist:

Eu nun savet cha mes amih.
Füss tel grand meister in lusingia.

Satan: (Da se.)

Guardè! il vizi incarnì
Trass er il Diavel svess giò d' lingia!
Ma poss gürer pro'l pe da tshacea,
Pro tuot ma infernel baraca,
Cha queista già nun he mentì.
(Dad aut.) Bricha vil' ipocrisia
M' inclinet davaunt tes pe,
Ma la viva allegria
Chi ta vista deisd in me:
Stant cha tü ans salvaros
Dal inguord romau moloss.

La sauncha reit della cungüra
Eis steisa sur tuot Canaan.
Alfin ta sclavaria düra,
Oh Israel, ho term! L' orean
S' alveinta orrid chi 't fiera,
Il corn abass, oh Roma fera!

Crist:

Tü füssis disseno shizuond
Dad ir cun paucs splantos tamazis,
Da guerr' ed armas malcapazis,
Ancunter il Signur del muond?

Satan:

Ün clam da te, e milliuns da bratsha
S' alveintan, s' movan tuots in ün ansembel,
Preparan armas per la chauda catsha.
E mincha ram eis bun per fer ün rembel,

Ed alabardas dveintan ils zapuns,
Las farclas spedas, launtshas ils fureuns.

Vegliards canuoss nun chüran mancuseza,
Temenza brich implusa giuvantün',
Nè las dunauns l' innada lur zarteza,
Unind lur forzas in ün sforz comün
Culla virila impetusited
Per turnanter la persa liberted.

Seu lo sül Ararat üna burlina
Da neiv rodlanta cresha s' inoltrand
E sboya, ingrosseda a lavina,
A vall, eun lön de tun tuot sfracashand:
Ushè trashin' ün unie tes appell
Al saunch e degn cumbat tuot Israel.

(Cun sulvedi fö.)

Eu 't vez tshanto sün schimant cavagl
In ehau ad innumbrabla armada
Cunter l' inamih cumander l' assagl:
Cuolp de stombel repara shableda:
L' asta s' infich' al fadiiv nel flane,
Gira eun füergia nella ferida
E sorta extrand ün flüt da sang.
La rotsha fadiva eis steda batüda
E cunquisto eis il camp romau:
Corps sterminos e membra tshunca,
D' sang e tsharvè e miguogl ün pultaun!
Roma, tia potenza eis trunca.

Eu 't vez sül trun dels amos perdavaunts
In mäntel da purpura regela
Cun szepter d' aur, diadem da brillaunts
A flaunc de muglier amorus' e fedela:
E vez ils grands del inter Canaan
Ed ils poteints infra la sfera
Dal ün al auter dels ozeans,
Davaunt a vus s' incliner a terra.
Dal Himmelaja, l'aut turragiant,
Fin alla richa, flureinta Fönizia,
Dalla seimper verda Egizia
Fin al Atlas, il tshelporlant,
Sur las uondas del mer rumoros,

Sur las alpinas tshimas granidas
Fin allas verdagiantas Hebridas
Doma tes maun viciorius.

A tuot queist domini vast ed immens
Sporsharos tü beneficas ledshas,
Seaturintas da tes bun sens.
Tü sdrügiaros del pecau la fetsha:
Srantaros il pur dalla gleba,
Rizaros il sclav dalla terra.
Sdraparos dal ögl della pleba
Tuot las assorvantas pletshas,
L' illüminand cun tia glümera.
Pash regnarò nel Univers
E concordia cordiela;
Sün queist muond curriot e pervers
L' angel dell' amur stendarò sa ela.

Crist:

El ho rashiun; per conseguir il fin
Prefix exist' amò quist' autra via,
Plü sgüra e da mein fadia
Ed er plü cuorta da camin.

In suonz a queista bella via largia
Brilla la gloria, la splendur,
Felizited e dultsh' amur;
Da steinta be e spins eis tshella cargia,
D' privaziun dad ogni dultsh' cunfort,
Da luotas aspras fin a mort!

(in snuoglia.)

Bap in tshel, il cor m' eis grev,
E la testa he confusa,
Ed il pauper pe vazilla,
Inschürida s' ho ma glüm!
Ve tü cun ta clarited
Ed illümnna mia via,
E condügia 'm tü, oh Segner,
Or dal orrid labirint!

Satan: (per se.)

El ura! que eis segn ch' el luota!
El luota! que eis segn ch' el veinsha!

E ma plü bella spraunza steinsha
La reit taunt sin tessüd' eis ruota !

Crist: (calm.)

Tü cunzepitas ün proget grandius;
Ma eu 'm dumand nell' orma dubitaunta,
Sha tel realisabel füss per nus?
Suvenz nell' exaltaziun ün chaunta
Per fat cumplì il seimpel desideri:
Però davaunt il saun inclet l' imperi
Del faus entusiasem bod s' algueinta!
Ün calcul süt, ma güst perquè reel,
In zifras eleras, nüdas ans presheinta
La realted exacta seinza vel.

„Ün clam da te — e milliuns at seguan“,
Dish tü: examinein quist „milliuns“,
E vezaros cha tels bein bod as leguan
Seu brenta fügianteda pels cantuns.

Tü quintaros sül bratsh robust del pur:
Mo guarda 'l! El il sein de mama terra
Con flüj e zapa queidameing disserra
Ed ar' e semna tuot da bun' umur:
Perchè daspö cha il Romaun guverna,
L' Arab nu 's rischa plü nella cuntreda,
E l' unglia dels cavagls focus nun sterna
Ne trapla suot la früja germuglieda.

Tü quintas sül pastur e sül chandaun?
Els vaun allegrameing chürand lur malgia
Sül arid munt e nel desert del plaun:
Essend cha l' ögl della güstia vaglia.
Plü nun arisesha il Filist sgarbeder
Incuorrer nella vall e fer butin
De raub' e muvel, e d' umauns perfin:
Cha il castih bod precuress il leder.

U fas assegn sül valid mariner?
El chaunta gliedameing il chaunt da chüna,
E vo tagliand per lung e led il mer,
E tema auter brich cu la furtüna.
Perchè il ferm Latin ho miss suot clav
Las rotshas dels pirats chi furmiclavan

Sün tuot la riva e tuot butinavan,
La glied, la marchanzia e la nav.

Tü crayas l' artishaun, il marcadaunt
Disposts a segunder tia bandera?
Nun vezas lur comerzi flurizaunt,
Ne lur cunteinta, rianteda tshera?
S' gürs sun ils vaus e pass e s' gür il gaud;
Las carovaunas cargias d' marchanzia
Tiran nunmolestedas per lur via,
E liber eis il scambi seinza fraud.

E della ledsha l' auta majasted
Me impundüda füt cun magiur zeli
Seu uossa, e plü imparzialited,
Niaunc al temp de Salamun, u d' Eli.
E d' ordinari sü in tribunel
Il pauper shani, plein da miserera,
Al opuleint signur vein tgnü anguel:
Güstfì el cata lo, shabein severa.

Ma suot noss agens regs plü zelebros
Curmè füt praticheda la güstia?
L' arbitri e la partisaneria
Dictavan las sentenzas als güros.

Perquè eis l' ödi al Romaun nel pövel
Brich generel; el quasi se limita
A prers in aut locos ed eiris nöbelz
Chi cull' immunited haun pers lur vita.

Nun creir prò nöblia e preriglia
Pineda cullas armas da 't seguir;
L' innada lur prudenza ils cunsiglia
Cha füss plü fazil perder co gurbir.

Dimena chi seguiss a ta ideja?
Primariameing il patriot focus,
Chi, orv, nel *nom* da patria se bea
E bada brich, sha 'l *pom* sei er inclus.
E forsa trassas zieva pitshna trata
D' giuvnaglia exaltedaa, e blerüra
D' oziusa ed inütila gianüra,
Inütila in pash ed in cumbata.

E cun ün tel exerxit, d' elemeints
Heterogens cumpost, cunter l' armada

Plü numerusa e plü bein scoleda
Volessas narrameing musser ils deints?

Ma queist exerzit da figüra trida,
Mel urdano e mender inarmi,
Al prim ancounter füss el abatü
E spars als quater vents cun üna frida.
Il resultat de tel' aczium narreischa
Füss in ruvinas de ziteds, marchos,
Terreins da sang invaun abavrantes
Ed ödi freisch bütö sün veglia eischa.

Satan: (Per se.)

Hip ed öd sun mia semenza,
Mia racolta sang e ruvina!

Crist:

Ma er admiss cha tuot la Palestina
Seguissi nos vestizi e disfessi
L'eserzit dels Romauns, e destriugessi
Lur signuredi vast e lur furtüna;
Ed er suppost cha l'eivl' imperiela,
Tshireda da nos cuolps e tuot sturnida,
Abassi trista la superba ela,
E eadi poi, shizuond a mort ferida,
Dal aut culmer del splendid Campidol
Nel Tiber mellen cun impari svol;
E supponü — supponer nun conzeda —
Cha Israel il ferm Romaun supplauanti
Nel signuredi mundiel, e vaunti
Potenza visa mè, e mè sömgeda:
Cullii poi las milli naziuns
A forza da cadeinas sangtampredas:
Pür nossa possa ünzacur guiss ruota
E tuot nos fer e fat füss per anguola:
Cha fier allia brich ils pövels
E sang incolla mel ils truns.

Satan:

Ün tel rashunameint anff' eu fich debel:
Da te eu 'm aspetav' ils sentimeints

Plü inflamos per nossa gloria vedra —
Mo cat be calculs süts ed argumeints
Indifereints e freids seu morta pedra.
La veir' amur da patria teidla brich
Il tev scutem della rashun, ma 's bütä
Ancunter l' inamih a chau infich
E sdrama tuot in sa orribla grita.
Eis que possibel cha tes pet nun seinta
La patri' amur chi ogni cor alveinta?!

Crist :

Nun blasfemer! Il sentimeint sublim
Chi 'ns tira vers la terra chi 'ns nudriva,
Ho staunza er in mes pisser intim;
Ed am er eu la zolla chi 'm prüiva!

Paupra' camana chi fütas
Shierma al pop, ed asil,
Misras pareits chi s' offritas
Primas al ögl infantil!

Freischa funtauna chi saglias
Or suot il marmel müslus,
Dotsh chi per gravas e caglias
Cuorras a vall rumarus!

Gula orribla ch' ingluotas
Schim' e frantur del torrent,
Gaud sombriveint sülla muota,
Pro in declivi stupend!

Senda zupeda e streta,
Cripel già nöt al anfaunt,
Ümla e sula tegeta,
Pascul percuors peravaunt!

Queida alpina valleda,
Munts giganteischs e selvus,
Piza in tshel sü slantsheda,
Cuolmens glatshos e nevus:

Eu s' am!

Eu am er vus, cumpagns da giuvantün'
Chi dad anfaunts cul matel rupetavas,
E sömis giuvens cul giuvnau sömgiavas

E clarited speravas da barlüm:
Chi, homens fats, sporsheis la pleina palma
Al maun amih per cordiel salüd,
E scrit: „Nu 'm anvlider, eu nu 't anvlid!“
Porteis sün vossa frunt serein' e calma.

Ch'a eu, perquè ch' ün auter tiri rish
Cun me da *mia* terra e respiri
Mi aria ed exprimi que ch' el dish
Prezis seu eu, e teint' e tend' e miri
Anvers *mes* fin: cha eu ün tel *cunfrer*
Aclam' ed ami — pera dret e cler.

Ch'a chi deshenda dals medems babuns
Chi già d' antic s' lietan in deseisa,
E vesta *mes* costüm e tshauntsh ils tuns
De *mia* lingua, ushè bod cumpreisa:
Ch'a quell eu volvi, seu *cunnaziunel*,
Ma simpatia, eis sich natürel.

Ma dshè' m! eisa nel cor del crastiaun
La büscla dell' amur ushè pitshnina,
Bastaunt' apeina pels *amihs*? L' umaun
Da lò nun sperì mè dultsha masdina?
Ad el partegni, cuombel fin al ur,
Il vas d' invilgia, d' ödi e furur?

Mo' na! quel Esser aut chi construit
Il cor umaun il fet da tel' possaunza,
Dad abratsher d' amur tuot l' infinit;
Il fet a sia agna sumagliaunza:
L' amur pels *ses* exclaud' in ingün möd
Ha beinvaglientsha per l' *umanited*.

Szienza del eu, tü prüveda, sublima,
Tü ans sdrapetas al caos scunvolt!
Fatalited! nella rösa racolt
Gueita la vipra chi sbuorfla e schima.
Figlia del tshel nummaleda, sortida
Perla glüsheinta, divina amur!
Mira quaunt bod eis er tia splendur,
Seu da thier' ümiditsch', inschürida.

Cura vers l' *eu* tü at volvas cun chüra'!
Avidited da possaunz' e possess,

Surgodimeint della gula, del sess,
Nos egoisem per früts ans madüra.

Frer spuoglia frer cun ün plat de sisaglia,
Anza il stombel, d' invilgia clapo;
Figl, cunter bap già vegliard rebello,
Mora da maun insino in bataglia.

Or dalla buocha de serp traditura
Duona gularda il meil azeptet:
„Gaudi la carn pür immincha dalet,
Quel il momeint fügitiv ans procura!“

Quel eis il cor chi la sbrinzla divina
Püra serbet in quist caos currerot?
Fors' ün catass eint il mer ün dultsh guot,
U sü pro' ls pols 'na, deserta flurina.

Aunz co ün orma cò libra da macla!
Ledshas che güdan, sha regis ed abolts,
Vers a lur propri vantag be revolts,
Beins comüns sfrütan scu l'agna lur acla?

Sauncha amur per la patria dileta,
Tü innöbleshas ils cors! Ma suvez
Servas per mantel ad ödi immens
Ed a superbia da raz malincleta:

Pövels se bütan sün pövels in armas!
Vihs miss in flamas, corps startaglios,
Vedguas ed orfens smarris, famantos,
Sang a torrents, a torrents er las larmas!

Nus essans guots or dad *üna* funtauna,
Üna medema fin porta 'ns al mer,
Sort ans unesha, c temp, e sperer,
Ed ans stacass' ingurdisha insauna?

Mira, sur tuot vo la volta zelest,
S' spanda la plövgia, s' derasa splendur;
L' erva culs guots da rosendi, la flur,
Rian a tuots ed invidan a festa,

L'üja bloveinta, la spia doreda,
Ellas madüra *ün* zelir comün;
Nords cunglatshants stensharon *d' üna* fin
Föglia e fruonzla e rösa sbozeda.

Milli millieras da cors in quist' ura,
D' uorden, impuls e motivs éternels,
Sofran, cumbatan, s' allegran anguels,
Fin cha la mort als do *üna* dimura.

Volva, alet, giò dal „eu“ ta ideja
E recunzenta 't sül prossem tes frer!
Uondas d' amur conflueintas in mer
Dultsh müdaron quista terra da pleja!

Già se uneshan pasheivels in scossa
Tigras, hiënas, liuns ad aguellis,
Tshiervas e levrás, serpeints ad utshells:
Satan, il mel, sarò trat alla fossa.

Satan: (Per se.)

El eis ün zich entusiasmo,
Gul chau ansü intaunter nüvlas:
La dotsha freida cheu 'l darò,
Al scatsharò beinbod las füflas.

(Dad aut.)

E chi snejass la sublimeza
De tes cunzept? però eu vögl
Be cunstater, perquant ch' ün veza,
Ch' el maunci d' üna vart da sögl!

Fraternited, amur ed anguagliaunza
Intaunter pövels füssin nöbel fin:
Ma el, shapür voleins nudrir la spraunza
Da 'l conseguir, dumanda lung camin,
Ed eu per me he ferma dubitaunza
Cha spuntaregi mè quel raz rösín.

Per quaunt ans muossa il presheint cul fat,
Per quaunt il temp passo a maun da storia,
Il ferm ho 'l debel seimpr' amò surfat;
E *dominer* süt seimper tgnü per gloria,

E segn d' tmusseza l' esser sutamiss.
Perquè ün pövel, stand in sclavaria
Nun po, almein suveinter mes avis,
Cun sa onur seguir ta teoria.
Daprim sto 'l rumper las cadeinas vilas
E der dels toes in fatsh' al oppressur:
Allura pür, da pövel veinshadur,
Podrò 'l in pratscha — provas bein sterilas! —
Realiser tas straunas utopias,
Sha que sarò l' incargia del Messias.
Mo sha dumandas *uoss'* al domineder
De nos pajeis ta anguagliaunza bluorda,
El at respundarò: Eu's vögl cunzeder
Per vos culöz anguela fuorch' e corda!

Crist:

Tü batas seimper süll' istess' aguota!
Tes pleds „Nuziun“ e „Stedi naziunel“
A mes veir eint sun expressiuns d' anguota,
E *tia patria* eis ingan reel.
Tü predgias cunter l' ester fö e flama,
E sas plü bein cu eu cha noss basats,
Baruns e regs sin giò al seimpel Ama,
Implitan queista terra cun misfats
Chi 'l plü crudel Romaun niaunca sömgia;
Epür avessas tü la freischa splemgia
Da revoleir quell' epoca infama,
Cur sang fratern müdet la sablunera
Intuorn Gerusalem in grassa era!
Inù il debel eis squitho dal ferm,
Inua l' autloco il pövel spretsha
E lash' il pauper seinza paun e shierm,
Inù l' arbitri regn' impè da ledsha:
Lo nun eis patria, lo eis sclavaria.
Mo sha stögl esser sclav, stim plü adat
Curver la rein suot estra tirania,
Cu suot il cunsanguin aristocrat.

L' Esser suprem chi dal caos
Steilas shindet e muonds,

Glüsh e schürdün', chi da belma
Solids ed auas strizet,
Munts fet e vals e spelma,
Chi queista terra fitet
D' föglia e fluors e früta
E d' quadrupeds ed amfibis,
D' peshs et utshells implit:
Er ils umauns scafit
Liber, seguond sa magna
L' ün sumagliant al auter,
Cun las comünas tendenzas,
Cun las comünas deblezas,
Cun ils madems basögns,
Cun drets madems e doveirs,
Üna famiglia da frers
Saja per sort u nashentsha.
Det als umauns poi del tuot
Il patrunedi, dshend:
„Gni e pigliè la, la terra!
Vossa eis ella cun tuot
Que chi lo cresha e flura,
Que chi lo strozia u noda,
Que chi camina u vola.

Ma ils umauns, impè da repartir
Fraternoeing la terra da fadia
E vizendeivelmeing s' assister e nudrir,
Anguel a tröp da gats afamanto,
Chè 's slauntshan sün lur past cun ingurdia,
Tshercand minchün per se ses propri pro:
Zufland s' bütetan els adöss lur preja;
E chi per agilted o furberia
Clapet il töch plü grass, s' defend' ainò,
Mussand las griffas nüdas dalla teja;
E cresha in mangiad da corp è possa
E nomna ses tuot que ch' el vez' e cata,
Stendend perfin la frerizida tshata
Adöss al frer reduot be pell ed ossa.

Ushè s' perdet l' umauna anguagliaunza
A tuot vantag da chi cun forz' ed art
Savet perfin in ledsha ed üsaunza

As preparer bellin sa tuort' ordvart.
Ed uossa truna lo sün aut seabell
Ün idul viv e chaud in carn e sang,
E bast' ün tshegn del maun a Dia rebell
Per fierer milliuns in puolvr' e fang.
Na, veira patria tü nun pos godeir
Fintaunt cha l' ümel svess indegn se büta
E l'autnashü se stima da valüda,
E'l liber hom vol sclavs e servs aveir.

Üna patria, o frer,
Sömg er eu in dultsha brama,
E tel idul saunch inflama
Grandameing mes dir e fer,
Sögl ad ell' eis equited
Bein baseda sün güstia;
Fuorman ils cantuns da vaglia
Angualted, umanited,
Liberted, fraternited,
Ed amur da püra lia
Sur il tuot scu tet s' ataglia.

Pitshu' u granda seii quella,
Steis' in munts u in planüras,
Tshauntsh ün' unica favella,
Ubein milli linguas schüras:
Que nun fo ne taunt ne quaunt —
Ma cha vush da pövel regi,
Dret e liberted defendi
Cunter *drets* e *privilegi*
E vers l' anguagliaunza *tendi*,
Que am pera l' importaunt.

Già eu vez nel temp a gnir,
Schür tras brenta e tshiera,
Süllas Alps in autas tshimas
Sventuler a ma bandera:
Salv o pövel, tü chi stimas
Liberted sur ogni dir,
Tü chi 'l pauper nüd protegias
Ed il maun callus defendas,

Seimper in indriz e ledshas
Vers comün benesser tendas
Ed ün meglier avegnir!
Liberted at ho unì
In *ün* pat sün mort e vita:
,Vus voleis intampterper
As trater seu frer a frer?“
Auzan milliuns lur dita:
.Qui“, e „ja“, e „si“, e „„shi!““

Lingua, raz e deshendenza
Fügian davaunt l' ideel
Grandius d' *ün* dret anguel,
D' *ün* amur, d' *üna* tendenza
Vers il bein universel.

E queist minz s' assimlarò
Tras sa miravgliusa forza
Tuots ils züjs intuorn sa scorza,
And furmand cristall prüvo,
Grad al ögl per sa splendor,
L' alva già del dì s' amuossa
Cur ils pövels *üna* scossa
Dvantaron, guidos d' amur.

Per tela patria vögl caver il sögl,
Ad ella eu dedich ma existenza
E già da dich tegn fix losura l' ögl.
Sha tü damen' a queista mir e fin
Nu 'm vos cunzeder tia assistenza.
Shi hagi nos culloqui co termin.

Satan: (Sgangiand.)

A vez er eu ch' in te am inganet,
E dalla rabg' and trembel seu da fevra;
In pell d' liun scovier ün cor da levra,
E timuseza be nel combel pet.
Cur Mars iro la sangeregneda speda
Per munts e valls e plauns vo aut palland,
Allur cunvein fer da profet, mussand
La rassa d' erin e maza recrotsheda.

Crist: (Cun indignazion.)

Leva 't davent, o Satan tentadur! (Parta.)

Satan: (Vo dundand alehs pass anavos; tuot stram.)

Che vush odit?! Eu trembel da snuvur!
Am per' il tön del dì della cumbata,
Car eu euls mes patit la gran disfata,
E fütans relegos nella squallur!

(As remetend)

Curius ch' ün tun da vush na güst previs
Possi stramir il pet del Grandiavel,
Inatshalo nels infernels burnis.
Que vein ch' in quell momeint il cor malstabel
Nun füt defeis dal spiert viv e dezis.
La cuolp' eis tuota della lingua güiza
Chi det velen sulla puntüda friza;
Bein, üsarò ün fer plü amicabel.

(S' anacorsha della partenza de Gesu.)

El eis davent! Eu he pers la partida!
Possi slopper il tshel! Crodin las steilas
Da lur incassadüra e s' intaupin
Nel svol rapid cun queista schifa terra,
Cha tuot creo vom' in frantüms e puolvra.
Ed ils atoms nel spazi se sparpaglin
E's fügin in etern ils üns ils auters;
E regni mort inua regna vita!

D' esser batü, eu spiert da tuots inshigns,
Dad ün mortel, d' aspet amo sinzer,
Füss bein da rabbia d' ir sü pels camins
Ed ir as najanter giofuonz al mer!

(befand.)

Però, mes tshuot, il muond nun eis aunc tes.
Scu la sombrev' al corp m' atacharò
A te, guidand seguond tes pass mes pes,
Semmand zizeina taunter tes salin:
Ed ünzacura, sha sül lung camin
T' as snüdarò 'l calcagn, eu 'l forarò
Cul deint intössanto, corrumparò
Il sang e l' orm' e l' anim tes.

Ma prima teint amò d' ün euolp truncer
La test' al taur, avaunt ch' el dovrì corna;
E sha al meister neir gniss' a manceer
Er eo l'efet, allur d' üna calorgna
Il piz füss zuopel degn d' sa imperizia.
Ma sper cha glivri bein que bein inizia!

(Sarcastic.)

Il sein d' üua gentila giuvantshella
He eu gunflo in chaud' amur per el;
Ed ansiusa vo tshereand la bella,
Suleta nel desert, il ear rebell.

Sha fat am gniss da nels dalets carnels
L'avilluper, nels dultshs liams d' amur,
Allur se stüzaron ses ideels,
S' indeblirò bod l' auta sa vigur.

(Madleina cumpéra sül fuond.)

Quella cavladüra blonda
E quell magic sguard azur,
E quell sein in mot ad uonda,
E quell flaunc scafi d' amur:
Tuot am do bein' sgüra shaunza
Cha s' aveiri mia spraunza.

Ans retirein davos a quella caglia;
Alò zupo m' eis fazel observer
Il resultat finel della bataglia
Ch' amur al ideel suprem vol der.

Madleina :

Il viandaun, ch' eu ancuntret per via,
Am dshet ch' el dmuri sper ün bösch secho,
Apè d' üu röven d' caglia surcreshü;
E sha nun sbagl, il lö descrit eis eo.
„Oh, Gesu, Gesu, dì 'm, annu' es tü!
Nu' t zupanter davaunt Madleina tia!
Ve, do cunfort al coradoluro!

Gesu :

Chi 'm clama? Queista vush am vein cuntsheinta,
Madleina!!

Madleina :

Shi, Madleina, tia selava.
L'amur per te chi m' ard' in cor arseinta,
Inresistibelmeing vers te 'm catshava.
Tras där desert, tras squallida suldüna,
Sun trata no pro te, glüsh de ma vita,
Per staunsher in ta bratsha l' arsantüna
D'amur. (L'abratsha.)

Gesu : (as liberand.)

Madleina !

Madleina :

Dì 'm, che has, mes bell ?
Che stas co eiri, freid seo üna püta,
Intaunt ch' eu tuota ard in ogni fibra ?
Perchè nu 'm streinshas vi al sein fidel ?
Nu 'm amas forsa plü ! m' has mè ameda !
Il sentimeint plü dultsh in te nun vibra ?
E shi cha pel passau, cur cun öglieda
Arseinta tuot mes esser cumpigliavas,
Ancuntrastand cun tia lingua müta,
Am dsheivas cler eu tü tes cor portavas.
Guarda 'm e di 'm, nun sun eu plü madema ?
O Gesu, vè, e streta fra ta bratsha
Lasha 'm guster felizited suprema.
Fixa tes ögls in més, ta fatsha
Inclina giò vers me, mes less da tes
Vomin tshütshand la dultsha mel d'amur :
Tes chau amo, posand sül pupen mes,
And calmi l'orager della frantur.

(Al se büta al sein.)

Crist : (L'alumtanand dultshameing.)

Ferma 't, Madleina ! — Veir eis, eu admet,
Cha per l'avaunt amur per te m' impliva
E chau e pet e dultshameing fluiva
Tras tuot ma membra — ma quell temp passet !
Ün' autr' amur da dich nel pet am gnieva :
Üna purtshella nöbla, d'auta slata

Am involet il cor, eu la tguet zieva,
E già sun spus con quella chera mata

Madleina:

Ün' autr' amur!! Odit eu bein? Lasheda
Sun eu, shigliö da millis curtageda,
Per *üna* so il Segner quandernò!
O Gesu! già l' amur per te sparit,
Ödi immens l' immens afet seguit,
Il sein da rüd trabagl he tempesto.

Virtüd che munta, dshè 'm, e che belleza,
Sh' al aur vilineing vein tuot sacrificio
E grandashia tuots ils vinculs speza?
Tü spusas aur, e fors' ün diadem?
Possi il prim tes cor pedrificher,
Ed il seguond cul faus ses splendurem
Tes ögl completameing assorvanter!

(Gesu se retira.)

Ed eu pauc mein eu liefa al m' ofrit!
• Tü, cor narreisch, in tel abiss am tretas!
Ed el l' unfrenda spüerta nun gradit!
O Gesu, per ün autra tü 'm sdegnetas!
Tela dolur, mes cor, pos superer?
Perdüda he la steila de ma vita,
Ed eu giarò culla schürdün' in cor
Annù il tshoc destin per eas am büta,
E trist' e scunsoleda fin cha mor. (S'absinta.)

Satan:

L' infiern perfin he cunter! tuots mes plans
Vaun vi in füm seu debels teils d' aragn.

(Sgamgiand davo Madleina.)

Ün pau però 'm cunsol cun queist tesaur
Chi nel cuntemp il eas benign am det.
Ses insuczess la porta sün mes pet.
Vò, insolubelmeing a me lied!
Natüra tshertamaing per me 't seafit,
At dand belted d' angüna supereda,
E teimbra passiunedala postüt.

(Crist cumpera sül faond.)

Mes aversari tuorna. (A se.) Meister Neir,
Vo't a zuper! per glied da tia slata
Ses eider seri malameing s'adata;
Tü'l seguiros plü tard seguond doveir. (El vo.)

Crist:

De mia vita l'ura la plü greva,
Ella passet, e dal tremend cumbat
Quà veinshadur mes pauper cor se leva
Stangel e lass e bod disfat.

Il sömi de ma dultsha giuvantüna,
D'ün queid repaus al sein de chaud' amur,
Er el passet, e'm s'avra l'era brüna
De luota fera de dolur.

Ma que cha'l bap d'eterna sapienza
Germuogl metet nel cor al crastiaun,
Vo creshanto cun maxima fervenza —
Ed otras chüras nu's cunfaun.

Perquè, fradgliunz e padernuors, adia!
Adia er tü, amur del giuven sein!
Da quindervì se parta nossa via,
E mia part vein stipa bein.

O bap zelest chi trunas in otezas,
Seia 'm Tü guida ferma vers mes fin,
Cha'l pe, malsgürameing dundaun a pezas
Nun s'incambüergi sül camin!

E sha süldür viedi da fadia
Ma forza nun regess' al peis del carg
Cha tü 'm surdetas, o allur, mes Dia
Da Tia forza seja 'm larg!

Ed uossa yè, o dultsha sön! süll'ela
Porta restaur al stangel cor,
Cha rinforzo a giuvna glüsh diela
Cumeinzi l'ovr' a maun a tor!

(S'indrumeinza suot il frusher.)

Cor ded angels:

Exultè steilas! tshels, giubilè!
Terr' in schürdüna, sereina ta frunt!

El ans eis nad, il lönch suspiro,
Chi cul calcagn il pecau smacharò
E nels abiss il slavaza compunt.
Ajers e mers e munts, giubilè!

Schür er' il muond, nel mel cunzepi,
Nad in luxüergia, devot a Mamun:
Öd e hip regnayan suvrauns.

El, il Salveder, nels cors als umauns
Guotarò guotas d' amur e perdun,
Cha la schürdüna s' müdi in di.

Pausa, Tshernü all'auta lavur!
Teimpri la söu, quella dultsha, tes cor!
Nus giò da tshel sün noss vans aporteins
Ed alagiand sur tes chau deraseins
Què cha 'l Scafider sur nus spandet or:
Spranza e fè da zeleta vigur.

Abitaduors sün terra, güvlè!
Uossa cha 'l cuors dels temps s' acumplit
Pash sarò do alla slata d' Adam.
Zuofla, zefir, odorific balsam!
Steilas, brillè sü aut in zenit!
Angels nels tshels, cantè, giubilè!

(Croda la tenda.)

~~~~~ (L'autur as reserva la proprieted literaria.) ~~~~

Joh. Jaeger.

*Avis. Sclariment davant l'orthographia adovrada in quest poëma il lectur  
catta nella terza annada dellas Annalas (1888) pag. 227.*

